

Pääle naas' kirjapandminõ II Umalõ Pido!

2008. aastaga keväjä Võro liinan ja Kubija laululava pääl olnu edimädele võrokeelitsele Umalõ Pido tulõ perrä **tõnõ Uma Pido, miä om 29. mail 2010 Põlvan ja Indsikurmu lauluväljaku pääl**. Kõrraldajidõ suuv om sääne, et nii tuu nakanugi olõma - vahtsõnõ Uma Pido ega katõ aasta takast kõrdamüüdä Võrol ja Põlvan!

Pido kõrraldamisõ man kaias, et ka seo pido tulõs võrokeeline ja et Vana Võromaa kihlkundõ esimuudu kiil ja perändüs olõssi tähtsä kotussõ pääl. Niisamatõ tahetas huult pitä', et pido tulõssi nuuruslik ja kaasaignõ. Ku kõik pidolisõ' hää tujo ja julgõ laluga üten avitasõ', sõs lätt pido kõrda!

Pidolõ laulma oodõtas kuurõ edimält õks Lõuna-Eesti maakundõst, kon kimmäs köüdüis võro keele ja kultuuriga olõman om. A hää meelega omma' mano' oodõdu' kõik koori', kiä laulu' är' opva' ja võro keelest ja meelest üten lõunaestlâisiga rõõmu tunda tahtva'!

Uma juuri pääle mõtlõminõ hoit meid üleilmastumisõ tuulõn kaomamineki iist. Tuud kinnütäs ka pido tunnuslausõ, miä kõnõlõs meist ku puust - ku juurõ' omma' kimmält maa seen kinni' ja tüvi tukõv, sõs või ka ladõv rõõmsahe tuulõn käen hinnäst hällütä' ja laulda'!

Nigu edimädselgi kõrral, omma' pido kavan rahvalaulu', rahvaligu' laulu', klassikalidsõ' koorilaulu' ja vahtsõma' kuurõlõ säetü' laulu'. Koorisäädit omma' pidolõ tennü Priit Pajusaar, Piret Rips, Tõnis Kõrvits, Alo Ritsing, Erki Meister, Andres Määr, Aapo Ilves ja Hain Hõlpus. Kuurõ saat ansambli Folkkräüss, pido sääd lava pääle Raivo Trass.

Teedüst saa pido kodolehe päält. Tast lövvati kirjapandmislehe (link "teedüs esinejile"), kava edimädse järjekõrra üten seletüisiga (link teedüs esinejile"), niisamatõ laulõ seletävä' tõlkõ' eesti kiilde (link "laulu"). Pido laulu' omma' trükit noodivihku. Üte vihu saa koorijuht hindäle massulda, laulja' saava' vihu hindäle 25 krooni iist. Häämeelega vastatas laulõ opmisõ man tegüvile küsumüisile (hääldüs, välte' jms), rassõmbit kotussit püvvetäs seletä' kodolehe pääl. Ku kuur taht otsustamisõs nuutõ nätä', sõs saatva' kõrraldaja' dirigendile üte noodivihu kaemisõs.

Näemi Indsikurmun!

Uma Pido kõrraldajidõ nimel

Triinu Ojar

triinu.ojar@wi.werro.ee

tel 533 22 153